

## Leiktæki sem vantar á skólalóð Hrafnagilsskóla

Í framhaldi af umræðum og fundi sem stjórn foreldrafélagsins sat með framkvæmdaráði í vor sendum við þetta erindi. Þar kom fram skýr þörf fyrir fleiri leiktæki á skólalóðinni til að auka fjölbreytni og minnka biðtíma og mismunun eftir þessum örfáu leiktækjum sem fyrir eru. Hér eru okkar hugmyndir að uppbyggingu á skólalóð Hrafnagilsskóla sem við vonumst til að verði vel tekið og kraftur settur í þetta mikilvæga mál sem fyrst.

Í foreldrafélaginu er mikið af öflugu fólki sem er til í að taka til hendinni, hvort sem er við uppbyggingu eða hugmyndavinnu og útfærslur.

Yfirlitsmynd sem sýnir nánari hugmyndir að staðsetningu tækja en í lýsingunni hér á eftir.



# 1. Hefðbundin tæki, rólur, vegasalt og þess háttar

Fjarlægð tæki og gúmmímotta sem nýtist einnig undir handverkstjaldið. Við sjáum fyrir okkur að gúmmímottusvæðið verði stækkað til vesturs og á því verði fleiri færanleg tæki, snúningstæki, rólur, vegasalt, rennibraut og annað. Þessi tæki myndu léttu álagi á þeim fáu leiktækjum sem fyrir eru og nýtast yngsta stigi og miðstigi vel. Færri raðir yrðu og minni áhersla á að telja rétt til að komast að í frímínútum.





## 2. Klifurgrind

Vestan við mottuna væri svo hægt að hafa einhvers konar klifurgrind sem fengi að vera upp á handverkshátíðinni. Það er alltaf spennandi að klifra og fyrir börn á öllum aldri, ætti að vera lítið mál að setja snjóinn við hliðina á eða annars staðar á veturnar.



## 3. Aparóla og göng

Eins og er á lóðskipulaginu er gert ráð fyrir hjólastíg um lóðina. Mjög gaman væri að búa til mishæðótt landslag með hjólastíg vestast á lóðinni. Hægt væri að nýta eitthvað af mishæðunum til að setja rör í og búa til göng og setja upp aparólu til að renna sér eftir niður að gúmmímtottunum.



## 4. Kastali

Nóg pláss er eftir á skólalóðinni og margt sem hægt er að gera fyrir skólakrakkana sem einnig nýtist tjaldsvæðinu á sumrin. Til dæmis að setja upp kastala eða þrautabraut vestan við nyrstu skólastofurnar.



## 5. Ærslabelgur

Win-win hugmynd – bæði gætu tjaldstæðagestir nýtt sér þetta á sumrin og krakkarnir á vorin og haustin meðan snjólaust er. Við sjáum þetta fyrir okkur á grasflötinni norðan við sparkvöllinn.

